

ՀԱՅԿԱԿԱՆ ՈՐՄՆԱԳՐՈՒԹՅԱՆ ՊԱՏՄՈՒԹՅԱՆ ՄԻ ՔԱՆԻ ՀԱՐՑԵՐ

Գ. Ռ. ՄՈՒՇԵԳՅԱՆ

Հայկական բարձրավանդակի վրա, սկսած հնագույն ժամանակներից, բարր եղել է ու մնում է հիմնական շինանյութի՝ Օգտագործված բոլոր տեղական շինանյութերի, այդ թվում և քարատեսակների ու նրանց դործածելակերպի մասին, բացի Թորամանյանից¹, հետազոտում տարբեր առիթներով գրել են նաև ուրիշ ուսումնասիրողներ։ Մինչդեռ քարի շարվածքի և մի շարք այլ հարցեր, կապված պատերի կոնստրուկտիվ առանձնահատկությունների և արտաքին տեսքի հետ, չի լուսաբանված։

Սկսած հնագույն ժամանակներից որմնադիրները միշտ ուշադիր են եղել շարվածքի կարերի դասավորության նկատմամբ, ձգտելով շարվող քարերը մեկը մյուսին հիմնովին հենելով, հնարավորին չափ ապահովել նաև նրանց հավաքական իրենց ճակատային մասի երիզներով-կարերով։

Արգիշտիխիլիի պնդումներից հայտնի դարձավ, որ նրա միջնաբերդի պարիսպների բաղալուստ խորանարդաձև մեծ բարիք, շարքի մեջ (առանց շաղախի) կայուն ու հաստատ լինելու նպատակով, խնամքով մաքուր տաշել են յուրաքանչյուրի ինչպես տակի, այնպես էլ վրայի ու երկու կողմերի նիստերը (գծ. 1)։ Պատի ճակատի հարթությունը հեշտությամբ ստեղծելու նպատակով խորանարդների դրսի՝ ճակատային երեսի եզրերը ժապավենաձև տաշվել են 4—6 սմ լայնությամբ, մնացած մասը թողնելով առանց տաշելու, կամ բավարարվելով միայն կոպիտ տաշվածքով։ Քարերի՝ վերը նկարագրված ճակատային մշակումը (անտաշ, ավելի ճիշտ՝ կոպիտ տաշված երեսով և մաքրատաշ մշակված եզրագծերով կամ եզրաժապավեններով) կոչվում է ուստավորում։ Հայտնի է, որ ուստավորումը մի ժամանակ համարվել է հելլենիստական ժամանակաշրջանի արդասիք, սակայն՝ Արգիշտիխիլիի—Արմավիրի հնագիտական ուսումնասիրությունները ապացուցել են, որ միանգամայն իրավացի էր Մ. Վ. Նիկոլսկին, երբ դեռևս անցյալ դարի վերջերին պնդում էր, թե ուստավորումը բնորոշ է եղել դեռևս ուրարտական շրջանին²։ Հնագետները ապացուցել են, որ երկաթե դործիքները ուրարտական ժամանակներում լայն կիրառություն էին ստացել և հենց դրա շնորհիվ է, որ ուստավորումով տաշվածքը հնարավոր էր դարձել այնպիսի մի քարաշատ երկրում, ինչպիսին ուրարտական հողը ու զարգացած պետությունն էր։

Այս կապակցությամբ անհրաժեշտ ենք համարում նշել մի կարևոր փաստ, որի վրա մինչև այժմ ուշադրություն չի դարձված։ Բնեն այն է, որ ուրարտական շարվածքներում սկիզբ առած այդ կառուցելակերպը կիրառե-

¹ Թ. Թորամանյան, Նյութեր հայկական ճարտարապետության պատմությունից, հատ. I, Երևան, 1942, էջ 134։

² См. Б. Н. Аракелян, О некоторых результатах археологического изучения древнего Армавира, «Պատմա-բանասիրական հանդես», 1969, № 4, էջ 166։

լիս քարերի շորս եզրերից մաքրատաշ ժապավեններից յուրաքանչյուրը որոշ չափով բեքված էր դեպի ներս, դեպի շարքի կարի գիծը: Այդպիսով քարի բլուկի յուրաքանչյուր ժապավենի և նրան համապատասխանող մաքրատաշ նիստի հարթությունների մեջ ստացվում էր ոչ թե ուղիղ, այլ բութ անկյուն (գծ. 1): Իսկ այդ հարթությունների միջև ուղիղ անկյուն ստեղծելու դեպքում արմնադրի գործը համեմատաբար ավելի դյուրին կլիներ, բայց դրադասվել է անկյունը ավելի մեծ անել այն նկատառումով, որ մեծ չափեր ու կշիռ ունեցող տաշված խորանարդները տեղափոխելիս և պատի վրա, շարքում հարմարեցնելիս նրանց մաքրատաշ բութանկյուն երիզները ավելի անվնաս կմնան, քան ուղիղ անկյան տակ տաշված լինելու դեպքում: Հենց այս կառուցելաձևի մեջ մենք տեսնում ենք հետադաշտում շինարարական արվեստում դործածվող ֆասկաների նախատիպը:

Անհրաժեշտ է այստեղ նշել նաև, որ ուստավորումը, այսինքն՝ քարերի ճակատային երեսի զգալի մասի մաքուր չտաշելը, կատարվել է ոչ թե քարի շարվածքին ինչ-որ «առնական, հզոր ու կրողունակ» տեսք տալու դեկորատիվ նկատառումներից ելնելով, ինչպես բնդունված է բացատրել մեծ մասամբ ի նկատի ունենալով իտալական վերածննդի որոշ կառուցվածքները, որտեղ երոշակի չափով մոտացության է տրված կառուցելաձևի նախնական կոնստրուկտիվ դադափարը (գծ. 2), այլ այն պարզ ու օբյեկտիվ պատճառով, որ նոր ստեղծված ու նոր դործածվող մետաղե գործիքներով ուրարտական շինարարները հնարավոր ու անհրաժեշտ չեն համարել քարի ճակատը ամբողջությամբ մաքուր տաշելը և բավարարվել են, ինչպես վերևում ասվեց, միայն քարի եզրերը ժապավենաձև մաքրատաշելով, դիտակցելով, որ վերջին հաշվով քարի երեսի մնացած մասի մշակման ֆակտորան չի կարող ազդել շարվածքի ճշտության և ամրության վրա: Հնդ որում մաքրատաշ ժապավենների լայնությունը պայմանավորված է եղել միայն աշխատատարության և գործին հատկացված ժամանակի հանդամանքներով, այլ ոչ թե տաշող գործիքի բերանի լայնությամբ, քանի որ քարի եզրային ժապավենը տաշելիս գործիքի լայնությունը ոչ մի նշանակություն չունի:

Արհեստագործի պեղումներից երևում է, որ պալատական կառուցվածքների բազալտ քարից (ոչ շատ մեծ չափերի) ցոկոլի շարվածքներում մաքրատաշ ժապավենները արդեն ավելի են լայնացել, երբեմն անցնելով 10 սանտիմետրից (գծ. 3), իսկ մաքրատաշ ժապավենների բեքվածության անկյունը դեպի կարի գիծը զգալիորեն պակասել է: Քարերի ճակատային մնացած մասը, թեև դարձյալ կուպիտ է տաշված, բայց համեմատաբար ավելի է մշակված ու հարթեցված: Այնուհետև, բնդամենը մեկ հարյուրամյակ հետո կառուցված Ռեյչե-բախիում բազալտի բլուկներից ստեղծված ճարտարապետական տարրերի մաքուր տաշվածքի որակը հասել է կատարելության բարձր մակարդակի:

Եղած նյութերի հիման վրա կարելի է եզրակացնել, որ ուստավորման կիրառումը հետագա կառուցվածքների վրա աստիճանաբար վերանում է, կամ ավելի շուտ՝ ընդհատվում, ընդհուպ մինչև Կառնիի ամրոցի կառուցումը:

Չնայած այդ ժամանակաշրջանում տաշող գործիքների դարգացմանը և տաշելու արհեստի կատարելությանը, Գառնիի ամրոցի բազալտից շարված պարիսպները անհրաժեշտ չեն համարել կառուցել ամբողջապես մաքրատաշ




Fig. 1






Fig. 2


1040




2010-01-01




7 0 6 7 2 5 2 6




I 0000



4 1 2 0 4 9 1 1




U S L A C U S U S L




4d. 3

8440




400-69-2



6174002



I 1862.



РЕЗЮМЕ



2030409+2

9. d. 4

հակառակ ունեցող բլուկներից: Գառնիի ամրոցի պարիսպների շինարարության ժամանակ է, որ դարձյալ սկսում է կիրառվել ուրարտական ժամանակաշրջանում տարածված ուստավորված բազալտե պատեր ստեղծելու կառուցելակերպը: Ընդ որում ունենալով արդեն որոշակի չափով արտահայտված կատարելագործում (զծ. 3):

Առաջին բարեփոխումն այն է, որ ուստավորված բարերի մաքրատաշ ժաղավենները, ի տարբերություն նախորդ՝ ուրարտական շրջանում ընդունված թեքվածության, արդեն ճշտորեն գտնվում են մեկ ընդհանուր հարթության մեջ: Երկրորդը՝ այդ ղեպքում ու դրա հետևանքով քարե բլուկների ճակատային երեսների մաքրատաշ ժաղավենների անմիջապես եզրերին սկսում են անել ոչ մեծ չափերով թեք տաշվածքներ՝ «ֆասկայի» ձևով:

Այլ խոսքով, ժամանակի ճարտար շինարարները, իրենց փորձից ելնելով, կարողացել են խնդրի այնպիսի լուծում ստանալ, որպեսզի և՛ պատի ուղղահայաց հարթություն ստանալը լինի ղյուրին (ժաղավենները տաշելով մեկ հարթության մեջ), և՛ քարի մաքրատաշ երիզները փշրվելու վտանգից զերծ մնան (ընդամենը 2 սմ լայնությամբ ֆասկաներ տաշելու միջոցով):

Անտիկ ժամանակաշրջանում ուստավորված քարերի տաշվածքի և շարվածքի, ինչպես և կարերի մասում ֆասկաներ տաշելու մասին խոսքը ավարտված կարելի է համարել, եթե ավելացնենք նաև, որ թեև պատի շարքի կարերում ֆասկաները տաշելու հնարքը մշակվել ու կատարելագործվել է դարերի ընթացքում, այնուամենայնիվ հենց Գառնի ամրոցի պարիսպների տարբեր հատվածներում այդ ֆասկաները տարբեր չափերով և ձևերով են արվել, իսկ որոշ հատվածներում էլ բոլորովին չեն արված: Այդ փաստը մի անգամ ևս վկայում է, որ շինարարական գործունեության ընթացքում միշտ չէ, որ շարունակվում են կիրառվել նախկինում փորձի միջոցով ձեռք բերված գիտելիքները, հնարքները, աշխատանքը: Ընդմիջելու կամ նույնիսկ մոռացության տալու ալդ հրեույթը շարունակում է տեղի ունենալ նաև հետագա դարերի շինարարական գործունեության ընթացքում: Միջնադարյան հայկական ճարտարապետության ամբողջ ժամանակաշրջանում ուստավորման կիրառումը դադարել է ընդհուպ մինչև XIX—XX դդ., եթե շտաշվենք առանձին բացառություններ: Գրանցից է, օրինակ, Եղեգնաձորի շրջանի XIII դարի Ապիտակավոր եկեղեցու ինքնատիպ ժամատունը, որի պատերի մի մասի վրա արված է շատ թույլ արտահայտված ուստավորում: Թերևս դա էլ արվել է ոչ այնքան տաշող գործիքների կամ աշխատանքի ժամանակի խնայման նպատակով (որովհետև քարը ոչ թե դժվարատաշ բազալտ է, այլ ղյուրին տաշվող ֆելզիտ), որքան ուղղակի ղեկորատիվ նկատառումներով:

* * *

Գառնիի ամրոցի կառուցման ժամանակաշրջանից հետո սկիզբ է առնում հայ ճարտարապետության վաղ միջնադարյան շրջանը, որն իր որոշակի ինքնատիպությամբ պայմանավորված է եղել նաև մի շարք կարևոր գործոններով, այդ թվում նաև տուֆաքարերի ու կրաշագանի մասսայական օգտագոր-

³ Б. Н. Аракелян, Гарин I и Гарин II. результаты раскопок 1949—1950 и 1951—1955 гг.; А. А. Савинов, Гарин и Гегард. М., 1958. Հարկ է նշել, որ Գառնիի տաճարը եզակի կառույց է նաև ամրոցական բազալտակերտ լինելու առումով:

ծումով: Քարը քարի (հիմնականում բազալտը՝ բազալտի) վրա դնելու որմնադրությունը փոխարինվում է միևնույն ձևով, որի ժամանակ պատր շարվում է ոչ թե առանձին քարերից (տվյալ ղեկքում՝ տուֆից), այլ ձուլվում է (ինչպես անցյալի մատենագիրներն են նշում՝ «կրաշաղախով ձուլեալ», «կրով մածուցեալ») տուֆաքարերի և հեղուկ կրաշաղախի օգտագործմամբ: Դարերով մշակված ու մեր սեյսմիկ երկրում ստուգված այդ տեխնոլոգիայով ձուլած տուֆապատեր ստեղծելու արվեստը որոշ փոփոխություններով շարունակում է կիրառվել նաև մեր օրերում:

Բնականաբար, նոր օգտագործվող շինանյութերը, տվյալ ղեկքում տուֆը և հեղուկ կրաշաղախը, ինչպես և կառուցելաձևերը որոշակի չափով ազդում են մինչև այդ եղած կառուցման օրենքների և հնարքների վրա: Բայց միաժամանակ ստեղծվում են ու իրենց հերթին զարգացում ապրում նոր ձևեր, նոր հնարքներ, որոնք բխում են օգտագործվող շինանյութի ֆիզիկական հատկությունների ճանաչումից և ավելի են համապատասխանում ժամանակի շինարարական տեխնիկայի ու էսթետիկական պահանջներին:

Բազալտ քարի համատարած օգտագործման հին ժամանակաշրջանում արդեն կատարելություն էին հասել թե՛ քարտաշույլյան և որմնադրության արվեստը, թե՛ շինարարական երկաթե գործիքները: Թեպետ հետագա դարերում մեծ տարածում գտած ոչ շատ կարծր, ծակոտկեն ու թեթև քարատեսակները՝ տուֆերը ավելի հեշտությամբ էին տաշվում ու շարվում⁴, բայց դրանք իրենց հերթին նոր հոգսեր էին ստեղծում՝ պատի շարքերի կարելում քարերի անկյունների փշրվելը կանխելու իմաստով: Եվ դա է լինում պատճառը, որ դարձյալ կիրառություն է գտնում ֆասկադներ հանելու հնարքը, բայց արդեն նոր ձևով:

Նախքան այդ հարցին անդրադառնալը նշենք, որ Թ. Թորամանյանը այդ ֆասկադները իր ժամանակ նկարագրել է, բայց դրանց կիրառությունը վերադրել է միայն VII դարին, ֆասկադների առկայությունը համարելով կառույցի ժամանակը որոշող հատկանիշներից մեկը⁵: Պատի շարվածքի կարելում եռանկյունի ակոսներ ստեղծելու սովորությունը Թորամանյանի կողմից միայն VII դարին վերագրելը հսկանաբար տեղի է ունեցել այն պատճառով, որ նրան հայտնի չի եղել Գառնիի ամրոցի պարիսպներում և ուրարտական ժամանակաշրջանի հուշարձաններում ուստապոլորված քարերով շարվածքների մաքրատաշ ժապավենների թերություն ունենալու փաստը, որից, ըստ էության, սկսում են հետադադրվել կիրառվող ֆասկադները: Եթե Թորամանյանին հայտնի լինեին այդ փաստերը, անշուշտ նա նորից կանդրադառնար IV—VI դդ. հուշարձաններին և կնկատեր ու կնշեր, որ հենց էջմիածնի տաճարի հնից սլահպանված պատերի վրա, ինչպես և Տրդատի դռան, Աշտարակի բազիլիկայի, Գառնիի միաննֆ բազիլիկայի, Արթիկի հնագույն եկեղեցու, Եղվարդի մեծ բազիլիկայի, Ավանի կաթողիկեի և այլ կառուցվածքների վրա նույնպես արված են այդ ֆասկադները:

⁴ Այդ կապակցությամբ անհրաժեշտ է նշել, որ IV—VII դդ. ծավալված մոնումենտալ շինարարության մեջ ղեկավարողական օգտագործվում էր տուֆաքարը, բայց ուղղորդյալն արժանի է, որ X դարից որոշ ղեկքերում զգալի չափով դարձյալ օգտագործվել է բազալտը:

⁵ Թ. Թորամանյան. նշվ. աշխ., էջ 106, 139.

Այսպիսով, տուֆաքարի մասսայական գործածության հետ միասին IV—VII դդ. գրեթե որպես կանոն, ընդունված է եղել շարքի մեջ ֆասկաներ կիրառելու այդ կարևոր և պրակտիկ միջոցը (զծ. 4):

Խնդիրն այն է, որ շարքում հատկապես տուֆաքարերի չիշրվելու հոգսերը, որ դալիորեն կապված են նաև տուֆերի ստրուկտուրային առանձնահատկությունների հետ, ինչքան էլ դարձանալի թվա, շարունակվում են մինչև մեր օրերը:

Անցյալի փորձը օգտագործելու դիրքերից եթե զննենք մեր ժամանակներում տեղական տուֆերով երեսպատված հատկապես բաղմահարկ նորակառույցները, կտեսնենք, որ գրեթե ամենուրեք շենքերի ճակատների վրա առաջ են դալիս քարի շարվածքների հորիզոնական կարերից սկիզբ առնող ճեղքվածքներ, պոկված ու անջատված բեկորներ: Մասնատվածներից շատերը հակված են այդ երևույթը բացատրելու միայն նրանով, որ շարքի քարերը հորիզոնական նիստերում անհրաժեշտ լայնությամբ տաշվածք («տապան») չունեն: Մեր երկարամյա ուսումնասիրությունները ցույց են տվել, որ բացի քարերի տապանների երբեմն պատահող արտակարգ նեղությունից, ինչպես և ընդհանրապես շինարարական աշխատանքների որակային հատկանիշներից լիարդ այլ պատճառներից, քարերի այդ վնասվածքները հիմնականում առաջ են դալիս տուֆերի որոշ ստրուկտուրային հատկանիշների շարվածքում ի նկատի չունենալու պատճառով:

Հայտնի է, որ տուֆերը (բացառությամբ միայն Արթիկի տուֆից, որը, որպես տուֆային լավա, թաղիքանման ստրուկտուրա ունի) ծանրության տակ կամ հարվածից համեմատաբար հեշտ են ձեղքվում: Դա տեղի է ունենում հատկապես այն դեպքում երբ հարվածը կամ ճնշումը դալիս է այն ուղղությամբ, որ ընդունված է «քարի երակ» կամ, ինչպես երկրաբանների մոտ է ընդունված՝ «ձեղքման հարթություն» անվանել:

Պատերի շարվածքում քարերի ձեղքվելը սկզբնապես հետևանք է այն բանի, որ տուֆ քարերը իրենց համեմատաբար փխրուն կազմվածքում ունենում են մեծ մասամբ մանր և անհամեմատ կարծր առանձին հատիկներ, երբեմն բազալից էլ ամուր (բարտաշները այդ ալյատարը հատիկները «բիշ» են անվանում): Պատի երեսպատող տուֆաքարերը շարելիս, մաքուր տաշվածքային հենվում է նույնպիսի մի քարի վրա, հպվում է նրան իր հորիզոնական մաքուր տաշված ոչ լայն նիստով՝ տապանով: Այնուհետև, աստիճանաբար, պատի բարձրացման ընթացքում, դրանից առաջացող բեռի ծանրացումից (հատկապես երբ շինարարությունը արագ է ընթանում) պատի միջին-լիցքային մասը, ղեռ իր վերջնական ամրությունը չստացած վիճակում, ավելի ու ավելի է սեղմվում, և դրա հետ միասին ճկմվում են նաև երեսպատման քարերը: Չոր կարերի սահմաններում քարերի փխրուն մասսան հեշտությամբ է ճկմվում, իսկ քարի մեջ եղած ամրակաղմ հատիկները, ունենալով բարձր դիմադրողականություն, առաջ են բերում շատ փոքր չափերից մինչև քարերի ամբողջ բարձրությանը հասնող ձեղքվածքներ (զծ. 4):

Այս բոլոր հանգամանքները ղեռն վաղ միջնադարից սկսած ստիպել են ելք որոնել, որը և գտնվել է՝ ի դեմս նորատեսակ ֆասկաների: Վաղ միջնադարից սկսած մեր տուֆագործ վարպետները, ի տարբերություն մինչ այդ եղած բազալտագործների, քարերի ֆասկաները չէին կարող իրականացնել

տաշող գործիքների միջոցով: Քարի փխրունությունը՝ մի կողմից, մյուս կողմից՝ տուֆի մեջ կարծր հատիկների առկայությունը՝ տուֆագործ վարպետին ստիպել են այդ նպատակի համար օգտագործել իր նոր «գործիքը»՝ չեչաքարը (պեմզայանման ծակոտկեն կարծր քար): Այդպիսի քարի սալիկով, որով սովորաբար կոկվում էր տաշված տուֆաքարի երեսը՝ առանց դժվարության և մեծ ճշտությամբ հնարավոր էր իրականացնել տուֆաքարի եզրերի ֆասկանները. տաշված քարի եզրերով չեչաքարը պոլիշված քսելով և ուղիղ անկյունը աստիճանաբար մաշելով, ստեղծվում էին բուլբ անկյուններ (135°):

Ինչպես բազալտից, այնպես էլ տուֆից կառուցելու ժամանակ անցյալում բարերի ֆասկանները հանել են ոչ միայն հորիզոնական, այլ երբեմն նաև ուղղահայաց կարերում, որովհետև այդ միջոցառումը պետք է որ ապահովեր մոնումենտալ կառուցվածքների համար տաշված խոշոր քարերի անվնաս տեղափոխումը և տեղադրումը: Օրինակ, Զվարթնոցի պահպանված պատերի շարքերում գրեթե բոլոր քարերն էլ ունեն ուղղահայաց ֆասկաններ, բայց պարբերաբար ավելի փոքր բացվածքով, քան հորիզոնականները (տե՛ս լուսանկարը):

Տաշված քարերը անվնաս տեղափոխելու հանգամանքը հաշվի է առնված հատկապես կառույցների վերին մասերում: Օրինակ, էջմիածնի տաճարի և Թալինի մեծ եկեղեցու աբսիդների վերջին շարքերի, ինչպես և աբսիդների վերին ֆրոնտոնով վերջացող (Թալին) բարձր պատերի բոլոր քարերը ունեն նաև ուղղահայաց ֆասկաններ, քանի որ այդպիսի բարձրության վրա հասցնելիս քարի եզրերը վնասելու հավանականությունը ավելի էր մեծանում:


Այս բոլորը կիրառվել է ոչ միայն կառույցների դրսի, այլև ներսի (ինտերյերի) պատերի վրա: Շենքի ավարտից հետո թե՛ դրսի և թե՛ ներսի պատերի վրա ստացվում էր եռանկյունի կտրվածքով ակոսների անկանոն ու խառր մի պատկեր: Իսկ դա հետևանք էր այն բանի, որ վաղ միջնադարից սկսած մեր շինարարները չեն ձգտել շարվածքի հորիզոնական կարերը իրականացնել մեկ անընդհատ գծի վրա (ինչպես ընդունված էր հնում, մեծ բլուկներով կառուցելու ժամանակ): Քարերը իրար մեջ հագցնելով (փոքրը՝ մեծին, կարճը՝ երկարին հարմարեցնելով) էր ստեղծվում պատի հարթությունը: Այլ կերպ ասած, բարձանքերից բերված բոլոր շափերի քարերը իրենց տեղադրումն են գտել պատի շարվածքում: Արդյունքը եղել է այն, որ ստացվել են կանոնավոր գծեր շունեցող, բայց միաձույլ և ինքնատիպ պատեր (գծ. 4):

Պատի հարթության վրա շենքի թե՛ դրսից և թե՛ ներսից ստացված կարակոսների այդպիսի «անսխիստեմությունը» հին ճարտարապետներին ու բարգործ վարպետներին մտածելու և ելք գտնելու առիթ է տվել: Հատկապես ներսի պատերի վրա դրանք որմնանկարների ամբողջականությունը շատ կխախտեին, իսկ արտաքին կողմից կարող էին փչացնել սրբատաշ-հարթ պատի վրա գտնվող ճարտարապետական ղեռալներից, որմնափոր արձանագրություններից, պարզաքանդակներից ու քանդակներից ստացվող տպավորությունը: Բազմաուղղությունը և բազմաչափ ակոսագծերը չէին նպաստի արտաքին տպավորությանը նաև այն ղեպերում, երբ կառուցվածքները պրսից ներկվում էին (սովորաբար կարմիր գույնով):

Այս բոլոր հանգամանքները հանգեցրել են այն բանին, որ կառույցի պատերի շարվածքի պրոցեսն ավարտելուց հետո, տուֆակերտ շենքերի վրա այդ ակոսները խնամքով ծածկել են շաղախով, իսկ շաղախի աչքի դարձող սպի-

տակ գույներ մարել են՝ նրան խառնելով համապատասխան գույնի տուֆի փոշի:

Այսպիսի հատուկ հոգս է դարձել ֆասկաները ծածկելու հատուկ շաղախի ամրության հարցը, քանի որ շաղախի՝ այդքան բարակ և հողմնահարման ու այլ ազդեցությունների ենթակա թելանման շերտը ամեն մի աննշան պատճառից կարող էր հեշտությամբ փշրվել և աղավաղել կառույցի արտաքին տեսքը:



Մեր ուսումնասիրած բազմաթիվ հուշարձանների ճակատների ֆասկաները ծածկող շաղախների մնացորդների ամրությունը որոշակիորեն տարբերվում է նույն շենքի պատերի մեջ օգտագործված շաղախի ամրությունից: Մեկուկես հազարամյակից ավելի ժամանակահատվածում որոշ ճարտարապետական հուշարձաններում կամ նրանց որոշ մասերում այդ հատուկ շաղախը իր տեղում ելին չի պահպանվել, ասլո մեր համոզմամբ դա հետևանք է ոչ թե իր իսկ քայքայման, այլ բնդհակառակը, շաղախը, շարունակելով մնալ շատ ամուր, այս կամ այն պատճառով ւնջատվել է շարքի քարերից, ընդ որում հաճախ իր հետ քարից պոկելով բարակ ու աննկատ մի շերտ:

Շաղախի այդպիսի ամրության համար կիրառված միջոցները հանդիսանում են հատուկ ուսումնասիրության արժանի խնդիր: Այդ հարցի լուծման ժամանակ հարկ կլինի հիշել, որ անցյալում մեղ մոտ ստեղծվել են առասպելանման պատմություններ, որոնք հավանաբար ինչ-որ ունի հիմք են ունեցել: Սրինակ, հայկական ճարտարապետական հուշարձանները ուսումնասիրողներին սովորաբար տեղացի բնակիչները հայտնում են, որ ըստ ավանդության տվյալ շինությունը ամուր կառուցելու համար նրա շաղախում օգտագործված

է մեծ քանակութեամբ ձու: Ընդհանրապէս նման բացատրությունները իրականութեան հետ կապ չունեն: Այդ տեսակետին է եղել նաեւ Բորամանյանը⁶:

Ինչ վերաբերում է ֆասկաները սփառելու մեր նկատած սովորութեանը և հատկապէս այդ նպատակի համար օգտագործված շաղախին, ապա դրանում ձու խառնելու մասին ընդհանրապէս մինչև օրս խոսք չի եղել: Այս կապակցութեամբ արժե հիշել հետևյալ փաստը: Հայաստանում երկար ժամանակ տարածված է եղել կավից պատրաստված և թրծված մեծ տարողություն ունեցող ամանների (կարաս, կուժ, խնոցի և այլն) վնասվածքները վերանորոգելու մի յուրահատուկ եղանակ: Կավե ամանի վնասվածքը (ձեղքը կամ բացված անցքը) նախապէս երկաթալարի կտորներով կապելուց հետո որոշակի և ընդունված տեխնոլոգիայով ծածկվում էր հատուկ կրաշաղախի կարկատանով: Երևանում, Կոտայքում, էջմիածնում, Զանգեզուրում և այլուր կարկատելու այդ եղանակը կոչվում էր «կոծիկ»: Հենց այդ «կոծիկի» համար մանր ու մաքուր ավազով պատրաստված կրաշաղախի մեջ, որպէս օրէնք, խառնում էին ձու և բրդի ու բամբակի մազմզուկ: Այդ շաղախը հուսալիսրէն ապահովում էր վնասված ամանի հետագա գերազանց ամրությունը, ինչպէս և ջրանթափանցելիությունը: Ուրեմն փաստ է, որ ժողովրդին հայտնի էր ձվի միակցող ուժեղ հատկությունը կրաշաղախում օգտագործելը: Ահա թէ ինչու տարօրինակ չէ, որ մեր հնագույն կառուցվածքների դարերով կանսուն և սեյսմակայուն մնալու գաղտնիքը ժողովուրդը ցանկացել է բացատրել նաև նրանով, որ կառուցվածքի շաղախի մեջ ձու է օգտագործված:

Նման ենթադրությունը առիթ տվեց մեզ հավանական համարել, որ հնուաւոր անցյալի կառուցների որոշ պատասխանատու մասերի համար ձուն իրոք կարող էր օգտագործվել որպէս լրացուցիչ ուժեղ միակցող նյութ: Հետազոտում, շինարարական գործունեության մեջ տեղի ունեցած տեւական դադարի հետեանքով մոռացւոյլան են մատնել գործի մանրամասնությունները և միայն ժողովրդի բանավոր խոսքով է մեզ հասել այն ավանդությունը, թէ իբր հին կառուցները ամբողջապէս կերտվել են ձվով պատրաստված կրաշաղախով: Կառուցի հատուկ և պատասխանատու մասերի համար (օրինակ՝ շարքի կարերի ակոսներում-ֆասկաներում) ոչ մեծ քանակութեամբ գործածված հատուկ շաղախի մեջ ձվի օգտագործումը մեզ թվում է միանգամայն հավանական: Բայց միաժամանակ պահանջվում է գտնել այդ միտքը հաստատող ապացույցներ:

Դեռ 1930-ական թթ. վերջերին, երբ ուսումնասիրում ու չափազրում էինք Իոնիդի ու Եղվարդի VII դարի բազմաբսիղ եկեղեցիները, ուշադրություն դարձրինք հիշված հուշարձանների պատերի կարերի փորվածքների մեջ սեղմված ամրագույն շաղախի կազմությանը: Որ այդ շաղախը աչքի էր ընկնում իր ամրութեամբ, երևում էր այն փաստից, որ հուշարձանների ներսի պատերի վրա պահպանված որմնանկարների տակ եղած ֆասկաները նույնպէս ծածկվել են առանձնահատուկ, ավելի ամուր շաղախով:

— Վիդ. հինգ ճարտարապետական հուշարձանների ներսի ու դրսի պատերի ֆասկաները ծածկող շաղախների փոքրիկ նմուշները ճանաչված միկրոբիոլոգ, պրոֆ. Վ. Գ. Հայրապետյանի խորհրդով, վերջերս ներկայացրեցինք Երևանի անասնաբուժական-անատոմաբուժական ինստիտուտի

⁶ Տե՛ս նույն տեղում, էջ 137:

բիրբիմիայի ամբիոնի վարիչ, բիտլղդիական գիտությունների ղեկավար Մ. Գ. Գառնարյանին: Մեր ներկայացրած բոլոր նմուշների նկատմամբ իրականացվել է նինհիդրինային (դոնա-երևակման միջոցով ամինոթթթուների որոշման) ունակցիա, որի հետևանքով նմուշների մեծամասնության վրա երևակվել է բաց-դեղնավուն գունավորում, իսկ երկու նմուշների վրա՝ նաև կապույտ գունավորում: Այդ գունավորումները ցույց են տալիս, որ մեզ հետաքրքրող նմուշների մեջ ամինոթթուների կամ ամինոմիացությունների առկայությունը փաստ է: Ամինոթթուների հայտնաբերումը 1300—1500 տարվա վաղնախնային ժամանակներից հետո շաղախներում խոսում է այն մասին, որ իր ժամանակին այդ շաղախներում եղել են սպիտակուցներ, որոնք ավելի քան մեկուկես հազարամյակի ընթացքում բնության բազմաթիվ և բազմաթիվ աղղեցություններից քայքայվել են, իսկ սպիտակուցների բաղկացուցիչ մասերը՝ ամինոթթուները, լինելով առավել կայուն, մնացել են ու հարատևել: Մեր կարծիքով մնում է հանգել այն միակ հնարավոր եզրակացության, որ այդ ամինոթթուները շաղախի մեջ խառնված ձվերի սպիտակուցների հետքերն են:

Հետագայում IX դարից հետո Հայաստանում կառուցված մի քանի հուշարձանների սլառերի վրա են միայն նկատվում ֆասկաներ, այն էլ ոչ բոլոր շարքերում և ոչ բոլոր քարերի վրա (X դարի Մարմաշենի մեծ եկեղեցին, Տաթևի վանքը, Գնդեվանքը): Հայ շինարարները ֆասկաներով շարվածքների մասին մեկ էլ մտաբերել են XIX դարի վերջերին և որոշ չափով նոր մոտեցմամբ կիրառել այն մի քանի կառուցվածքների ու ընկերի տների վրա: Բացի դրանից, նույն ժամանակաշրջանում շարքի կարերում քարերի անվնասությունը ապահովելու նպատակով կիրառվել է մի այլ միջոցառում. շարքի կարերը ոչ թե թողնվում էին չոր, այլ հենց այդ չոր կարերի տեղում, մանր ավազով բարակ շաղախ էին քսում կամ, ինչպես ընդունված էր ասել, «սուղմա» էին քաշում: Ինչպես նրանում ու լենիեականում, այնպես էլ այլ բնակավայրերում այդ միջոցառումով կառուցված շենքերը հիմնականում լինում էին սև գույնի տուֆից: «Սուղմա» քաշելիս, նուրբ շաղախի այդ բարակ շերտը հանդես էր գալիս ոչ միայն, կամ ավելի շուտ ոչ այնքան որպես միակցող, այլ հիմնականում, այսօրվա լեզվով ասած, որպես «ամորտիզատոր», հեշտությամբ տաշվող և նույնքան էլ հեշտությամբ փշրվող սև գույնի տուֆերի կարերում: Միաժամանակ ընդունված է եղել շարելու ժամանակ այդ բարակ կարերը ծածկել նույն քարի փոշով: Բայց ժամանակի ընթացքում կարերին տված գույնը «սուղմայի» արտաքին անձև եղրագծերով հանդերձ սկսում էր տարբերվել քարի բնական գույնից: Աղավաղվում էր քարաշեն տան սկզբնական մաքրատաշ և մաքրաբեր տեսքը: Հավանաբար դա էլ եղել է հիմնական պատճառներից մեկը, որը ժամանակակից մաքրատաշ տուֆից կառուցված շենքերում դադարել է այդ կառուցելակերպի կիրառումը: Եվ դարձյալ իր իրավունքներն է վերականգնել դարերով ստուգված և մինչև օրս կիրառվող չոր կարերով շարվածքը:

«Սուղմայի» օգտագործման ժամանակաշրջանում ընդունված է եղել մի այլ կառուցելակերպ. Սովորական աղյուսից պատ շարելու նման, յուրաքանչյուր շարքի քարերը տեղադրելուց և ամրացնելուց հետո պատի հորիզոնական հարթությունը ծածկվել է մեկ-մեկուկես սմ հաստությամբ սովորական կրաշաղախով, առնուհետև հետևյալ շարքի քարերը տեղադրելուց առաջ նրանց ցածի եզրի վրա ֆաթկա է հանվել, դրանով իսկ կանխելով շաղախի վրա դնե-

լու ժամանակ քարի եզրի փշրվելը: Այնուհետև այդ կարերը լրացրել են կրաշաղախով, նրանց հավասար լայնությամբ ձգված ժապավենի տեսք տալով և բոլորովին հոգ չտանելով սպիտակ գույնը ինչ-որ ձևով ծածկելու մասին: Միայն քարի տակի եզրով ֆասկա հանելու որոշ օրինակներ կան նաև հեռու անցյալի շենքերում (օրինակ, Աշտարակի բազիլիկան, Ավանի կաթողիկեն), իհարկե ալի տարբերությամբ, որ դրանց կարերը չոր են և առանց շաղախի ժողովրդական բնակելի տներում նույնպես կիրառվել է շաղախի շերտով և ֆասկաներով կարեր ունեցող կառուցելակերպը, որը գերազանցապես կոնստրուկտիվ նպատակներ է հետապնդել:

НЕКОТОРЫЕ ВОПРОСЫ ИСТОРИИ ИСКУССТВА ВОЗВЕДЕНИЯ СТЕН В АРМЕНИИ

Г. Р. МУШЕГЯН

(Р е з ю м е)

Возникновение идеи — сделать фаски по граням облицовочных камней монументальной архитектуры древней Армении относится ко времени возведения урартских городов-крепостей (Аргиштхинили, Эребуни). Происхождение этого приема было связано с рустовкой фасадных камней, которая применялась на тех же памятниках архитектуры. В античную эпоху фаски совершенствовались, получили самостоятельную форму и небольшие размеры. В средневековье в связи с массовым применением туфа, как строительного камня, осуществление фасок облегчилось и их применение стало обязательным, причем не в VII в. (как до сих пор было принято), а начиная с IV в. После большого перерыва в строительной деятельности в Армении вышеуказанный строительный прием применялся на нескольких сооружениях X в.

В начале средневековья фаски, в отличие от античного времени, делались не только на камнях фасадов, но и интерьеров. Кроме этого, образовавшиеся в результате скашивания углов камней (в виде фасок) треугольные углубления на стенах не оставлялись открытыми (как на античных базальтовых стенах), а тщательно покрывались особым крепким раствором, которому одновременно придавалась снаружи соответствующая окраска с помощью мелкой туфовой пудры. Средствами современных исследований нами было установлено, что для получения вышеупомянутого особо прочного раствора использовали яйца.

В статье приводятся примеры частичного использования некоторых строительных приемов далекого прошлого в строительной практике конца прошлого и начала нашего века и подчеркивается полезность использования этих приемов в современном строительстве.